

Tuhaqtidjutikhaq

Tuhaqtitauhaktukhaq

Hivuliqti Taptuna tuhaqtitiyuq angayukhik atannguyakhaq tikkuagtauyug

IQALUIT, Nunavut (Taaqhivaliavia 3, 2015) – Hivuliqti Peter Taptuna ublumi tuhaqtitiyuq atuliytutukhamik Apitilirvia 21, 2015mi, Nunavut Havagviat Maligaliqiyikkut tunngahuktitigiaqaqtugut Yvonne Niego havaktikhaktik nutaaq ministaup tugliata ikayugtinga .

“Ms. Niego akhuuraluk ikayuqtuqpiaghunguyuuq Havagviat Maligaliqiyikkut,” uqaqtuq Hivuliqti Taptuna. “Havariivakhimayainit nunaptingni uvanillu Nunavut maligaliqiyikkuni havagviuyuni akhuuraluk ikayuutaukpiarniaqtuq angayukhirnut atannguyayyunut havaqatigiiktunut. Ayuitaminik qauyimayaminik, ayuiqhimayaminik imatutlu pittaaqtaminik ikayuutauniaqtut tautuktuyaaktainut maligaliqiyikkut avikturniptingni.”

Nunaqaqqaqhimayuk Qamanittuami, Ms. Niego hivuliqpanguyuk Inuk arnaq iniqhilraakhimayuk ayuikhayaminik Kanatami Palihimatkut (RCMP) pallihimaunirmik ayuikhahimayuk iliharviani pallihimatkut, hivuliqpanguplunillu qulvaqpaliqtauyuk Atannguyangukhimayuk RCMP-kuni. Havaaqaqhimayuk avatqumayunik tuatinik ukiuni havaganginakhuni RCMP-kuni allatqiiktunik havaqaqpakhimapluni, hvuliqpaamik havaarivaktainik palihimat avikturniani nunalaani palihimat pinahuarutinik.

Qannikkut, Ms. Niego tuhaqtitiyukhanik ayuikhattiakhimayuuq munaqhivaktuq RCMP-kut “V” havagviata avikturniani tamaini nunalaani tuhaqtitiyupluni, ilauplunillu hapkunani RCMP-kut ayukhaqtuqarangata aivaqatigiiktunut havaqatigiiktut unalu atannguyauvakhuni RCMP-kut Higaaklukkut Qauyimayakhainik Ilihautikhanik.

Qanikkut umani ukiumi, Ms. Niego akimayuq 2015mi Ayuinnikhaupluni Nunalaani Havakpiakpaktup Aittuutikhaq hapkunanga Nunaryuami Katimayiit Arnat Palihimat, havagviuyut ilaqaghutik avatqumayunik 60-nik nunagatiqiiktuni.

###

Cate Macleod
Aulap kaiyi Tuhaqtipkainikkut
Kavamauqatigituliriyikkut
867-975-6049
cmacleod@gov.nu.ca

News releases are available in Inuktitut, English, Inuinnaqtun and French on www.gov.nu.ca.
Tuhaqtaghat ittut Inuktitut, Qablunaatitut, Inuinnaqtun Uiviitillu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.